



Broj: 03-03-05-28044/16
Sarajevo, 22.05.2017. godine

BOSNA I HERCEGOVINA
MINISTARSTVO PRAVDE
Ulica Trg Bosne i Hercegovine broj 1
Sarajevo

**PREDMET: Inicijativa zastupnice u Skupštini Kantona Sarajevo Neire Dizdarević
za rješavanje problema nedostatka certificiranih tumača znakovnog jezika u
Kantonu Sarajevo, dostavlja se -**

Na 14. redovnoj sjednici Skupštine Kantona Sarajevo, održanoj 27.04.2016. godine, u okviru tačke dnevnog reda "Zastupnička pitanja, inicijative i odgovori", zastupnica u Skupštini Kantona Sarajevo Neira Dizdarević postavila je zastupničko pitanje Ministarstvu pravde i uprave Kantona Sarajevo, Ministarstvu za obrazovanje nauku i mlade Kantona Sarajevo i Ministarstvu zdravstva, a odnosi se na problem nedostatka certificiranih tumača znakovnog jezika u Kantonu Sarajevo. Navela je da Udruženje gluhih Kantona Sarajevo ima samo pet tumača znakovnog jezika i neophodno je povećati ovaj broj, da je odredbama člana 19. Zakona o upotrebi znakovnog jezika u Bosni i Hercegovini propisano da Vijeće ministara imenuje Komisiju za znakovni jezik u čijoj je nadležnosti, između ostalog, obrazovanje, osposobljavanje i rad tumača znakovnog jezika, te izdavanje certifikata i da komisija od 2009. godine do danas nije uradila apsolutno ništa, što znači da je onemogućeno povećanje broja tumača znakovnog jezika. Ujedno Udruženje gluhih Kantona Sarajevo nije u mogućnosti voditi evidenciju niti izdavati iskaznice tumačima znakovnog jezika, jer je članom 16. Zakona o upotrebi znakovnog jezika u Kantonu Sarajevo propisano, da se u evidenciji tumača znakovnog jezika unosi i "broj i datum upisa tumača u Registar tumača znakovnog jezika", koji vodi Ministarstvo pravde Bosne i Hercegovine.

Upućena je inicijativa da se u skorijem vremenskom periodu iznađe rješenje za navedeno, da li na način da upravo Kanton Sarajevo bude inicijator i delegira ovu problematiku ka višim nivoima ili da se eventualno Udruženju gluhih Kantona Sarajevo, koje broji 320 aktivnih članova, omogući da vrši provjeru znanja tumača znakovnog jezika i na osnovu toga izdaje certifikate.

Razmatrajući zastupničko pitanje zastupnice Neire Dizdarević, a nakon izvršenih provjera, iz okvira nadležnosti Ministarstva pravde i uprave Kantona Sarajevo, ministarstvo je dostavilo odgovor broj: 03-03-05-28044/16 od 23.09.2016. godine.

Na 27. redovnoj sjednici Skupštine Kantona Sarajevo, održanoj 10.04.2017. godine, u okviru tačke dnevnog reda "Zastupnička pitanja, inicijative i odgovori", zastupnica u Skupštini Kantona Sarajevo Neira Dizdarević, a u vezi zastupničkog pitanja koje se odnosi na problem nedostatka certificiranih tumača znakovnog jezika u Kantonu Sarajevo, je navela da je Ministarstvo pravde i uprave Kantona Sarajevo prepoznalo opravdanost inicijative i u svom odgovoru uputilo na dalje obraćanje Ministarstvu pravde Bosne i Hercegovine, te je zahtjevala od Ministarstva pravde i uprave Kantona Sarajevo da inicijativu prosljedi Ministarstvu pravde Bosne i Hercegovine.

U prilogu akta dostavlja se zastupnička inicijativa zastupnice u Skupštini Kantona Sarajevo Neire Dizdarević na postupanje.

S poštovanjem,

- Prilog: 1. zastupnička inicijativa zastupnice u Skupštini Kantona Sarajevo Neire Avdibegović (Dizdarević) od 27.04.2016. odine,
2. odgovor Ministarstva pravde i uprave Kantona Sarajevo Na zastupničko pitanje - inicijativu broj: 03-03-05-28044/16 od 23.09.2016. godine,
3. zastupničko pitanje – inicijativa zastupnica u Skupštini Kantona Sarajevo Neire Dizdarević od 10.04.2016. odine,

Dostaviti: **NASLOVU/**

1. Službi za skupštinske poslove Kantona Sarajevo,
2. Stručnoj službi Vlade Kantona Sarajevo,
3. a/a.



MINISTAR

Mario Nenadić

